

SOLEDAT TA DRENTA

Soledat ta dreña
pokopoko ma sigur.
Ya tres a bira lomba bay,
sobrá lo sigi bandonami,
kòrta liña di kariño,
lubida ku nan ta skupi di mi kurason.

I den mi kamber
byentu friw di mardugá
lo yora di mirami só.

I den mi kamber
trupa di araña
lo bin bira mi kompañó.

I den mi kamber,
sin e gritu di legria di mi yunan,
lo mi skucha
e boroto di kachonan riba kaya.

I den mi kamber,
solitaryo,
lo mi drumi rekòrdá
i skombel den bodega di memorya
pa mi buska tantu kara
ku m'a pega na mi kurason.

sèptèmber 1969

Pierre A. Lauffer.